

EDIDIANA KIET EKE UFỌK-ABASI CHRIST

Ŋwed Mbon Ephesus 3:14-21; 4:1-16.

ỌYỌHỌ UKPEP-ŊKPỌ 402

Eke Ikpọ Owo

IKỌ IBUOT: “Mmọdo ami, emi ndide owo-ŋkpọkọbi ke Ọbọñ, mmekpe mbufo ubọk, nte, esaña nte odotde ikot emi ekokotde mbufo” (Ŋwed Mbon Ephesus 4:1).

I Akam Mme Mbet Ke Abaña Mbon Ephesus

1 Man enyene nsọño-idem ke ukpọñ, Ŋwed Mbon Ephesus 3:14-16; Ŋwed Mbon Rome 9:23; 2 Ŋwed Corinth 4:16; Ŋwed Mbon Colossae 1:11, 27.

2 Man Christ akpakam oduñ ke esit mmọ oto ke mbuqtidem, Ŋwed Mbon Ephesus 3:17; John 14:23.

3 Man efiọk ima Christ emi ayañade ifiọk owo, Ŋwed Mbon Ephesus 3:18; 1:18; Ŋwed Mbon Rome 10:12.

4 Man eyọhọ ye ofuri uyọhọ Christ, Ŋwed Mbon Ephesus 3:19; Mme Hebrew 13:21; John 1:16.

II Item Ke Abaña Edidiana Kiet Eke Mme Anditiene-Christ

1 Ndisaña nte odotde ye idaha ikot mme anditiene-Christ edi se eyomde, Ŋwed Mbon Ephesus 4:1; Ŋwed Mbon Philippi 1:27; 1 Ŋwed Thessalonica 2:12.

2 Mfri Spirit ayarare owut idem ke ini inyenede ebuana kiet ye eken, Ŋwed Mbon Ephesus 4:2; Utom Mme Apostle 20:19; Ŋwed Mbon Galatia 5:22, 23; Ŋwed Mbon Colossae 3:12, 13.

3 Edidiana kiet eke Spirit odu ke ebiet eke emem odude, Ŋwed Mbon Ephesus 4:3; John 14:27; Ŋwed Mbon Colossae 3:14.

III Edidiana kiet kpukpru Mmọ Emi Edide Eke Abasi

1 Ufọk Abasi Christ edi idem kiet. Spirit kiet odu, oro edi Spirit Christ Ŋwed Mbon Ephesus 4:4; Ŋwed Mbon Rome 12:5; 1 Ŋwed Corinth 12:11, 12; Mme Hebrew 6:19.

2 Ọbọñ kiet odu kpa Christ Jesus; mbuqtidem kiet odu, oro edi Ukpep-ŋkpọ Christ; uduọk-mmọñ kiet odu, emi Enye okonimde, Ŋwed Mbon Ephesus 4:5; Matthew 28:19; Ŋwed Mbon Galatia 3:27, 28.

3 Abasi kiet odu emi nnyin idude uwem ke Enye inyuñ iduñde ke Enye, Ŋwed Mbon Ephesus 4:6; Malachi 2:10; Ŋwed Mbon Rome 11:36; 1 Ŋwed Timothy 2:5.

IV Utom Ufọk Abasi Ke Isoñ

1 Ema enọ mme owo enọ ke ini Christ ọkọdọkde ke enyoñ, Ŋwed Mbon Ephesus 4:7-10; Psalm 68:18; Ŋwed Mbon Rome 12:6-8; 1 Ŋwed Corinth 12:4-11; 1 Ŋwed Timothy 3:16; Mme Hebrew 9:24.

2 Ema enim mme Andikpep man ufọk Abasi okposim mfọn mma, man ukwañ edikpep edida nditọ Abasi awaha ọkpọñ usuñ, Ŋwed Mbon Ephesus 4:11-16; Isaiah 28:9; Mme Hebrew 13: 9; 2 Ŋwed Timothy 4: 5.

SE EKPEPDE EBAÑA

Abasi Ete Nnyin

Ukpep-ŋkpọ emi ọtọñọ ye akam emi Paul ọkọbọñde abaña mbon Ephesus. Enye anam añaña ete ke ekot ofuri ubon owo emi efakde emi edude ke Enyoñ ye ke isoñ edian Ete. Nte emana mme owo edide, nte ikotde nnyin idian mme ete nnyin eke ererimbot emi? Ke Christ Jesus enam nnyin idi kiet ke

ebuana nkpo Heaven, ke ini nnyin ima ikamana obufa inyuñ inyene enyiñ nnyin ke ñwed uwem ke Heaven. Abasi idighe Ete mmọ oro esinde Jesus Eyen Esie ye uduak erinyaña Esie. Jesus ama ọdọhọ mme Pharisee ete: “Mbufo edi nditọ ete mbufo, kpa satan, enyuñ eyom ndinam obukpo udọñ ete mbufo” (John 8:44). Edi ebuana nnyin ke Spirit ye Abasi anam Enye edi Ete nnyin. Abasi idighe anditọñ idiok-ñkpọ me Ete mmọ oro edude uwem idiok-ñkpọ. Mmọ emi esinde Akpan Ete nnyin enyuñ edude uwem obukidem idighe nditọ ete nnyin.

Inyene Abasi

Ñtọñ akam Paul edi man mmọ ekop odudu ke ukpọñ, nte ekemde ye uwak ubọñ Esie. Inyene Abasi inyeneke adaña. Kpukpru edi ke mfọn. Ke ini owo inyene ọnọde enọ, idorenyin edi ke enye eyenọ awak nte ukeme esie edide. Ke ini ubuene ọnọde, idorenyin edi ke enye edinọ esisit, koro enye minyeneke ukeme ndinọ awak. Edi kere se inyene Abasi edide! Ndien Enye ekeme ndinọ mbe adaña nte nnyin ikemede ndikere nnyuñ mbeñe. Ndinọ Christ esok owo owut idaha ima Abasi, mkpa Christ ke abaña owo onyuñ owut idaha ima Esie.

Udọñ Paul edi nte Christ okpoduñde ke esit mmọ oto ke mbuotidem, mmọ ekpenyuñ emum ñkam enyuñ esọñ ke ima man mmọ ekeme ndifok ima Abasi emi owo mikemeke ndidomo.

Obukidem ọbọ odudu oto ke udia ererimbot, edi ukpọñ enyene odudu oto ke se itode Heaven. Man edu uwem, mmọ mbiba enyene ndidia udia. Edieke musehe nkpo ubaña ikpohidem, enye eyekpa. Paul oyom mmọ efiok ima Christ emi odude ọnọ mmọ uwak-uwak, man mmọ ekpeyọhọ esim kpukpru uyọhọ Abasi. Owo ama ọdọhọ ete ke owo ndiyuhọ ye Abasi edi akwa nkpo; edi ndiyọhọ nsim ofuri uyọhọ Abasi okpon akan; edi ndiyọhọ ye ofuri uyọhọ Abasi ayaña ifiok owo. Oro ọwọrọ ndiyọhọ ye nsuhọridem, eti ido, ifure-ifure ido, ima, ime, edinen ikpe, edisana uwem, mbom ye akpanikọ. Edi ibat-ibat owo ewut idaha uyọhọ emi ke uwem mmọ. Ediwak ewut ekpri ye ukpok idaha mmọ.

Paul ama ọbọñ akam man mbon Ephesus ekpesim ñkoñ-ñkoñ idaha emi ke ifiok Abasi mmọ. Nte emi iwutke mfọn-mma idaha Ñwan-ndọ Christ? Ke eyo oko, ndidem esiyom idaha mfọn-mma owo ke ini emekde ñwan-ndọ. Nso idi ntak emi nnyin mikpekereke ite ke Christ oyom idaha mfọn-mma ke ñkañ Spirit ke ufok Abasi, kpa Ñwan-ndọ emi enyenede ndisaña ye Enye ke Obio Ubọñ Esie mi ke isọñ?

Ndisaña Ke Ntiñ-Enyin

Saña nte odotde ye ikot! Idaha nnyin okoñ adaña didie? Nso idaha ke nnyin inim ke esit nnyin? Nte nnyin imekere ite ke akpana nnyin iyọhọ ye ifure-ifure ido, iyọhọ ye ima, iyọhọ ye idaresit, iyọhọ ye nsuhọridem, iyọhọ ye edinen ikpe? Nte nnyin imada ke idaha eke okoñde nte emi nnyin ikpepde owo efen?

Ana nte edomo idaha eke nnyin idade ke udomo nkpo Abasi, idighe ke mme ekikere nnyin. Kpukpru ikpat eke isiode ke mbuba nnyin nte anditiene-Christ ekpenyene ndidi eke uko, eke mbuotidem, eke ima, eke ifure-ifure ido, eke nsuk-ibuot nọ akpanikọ. Ọbọñ odot enyin ndikut oro ke nnyin; edieke iduode ikpọñ oro Enye ikopke inemesit; ndien iduọ oro eyenam nnyin iduok itie nnyin nte Ñwan-ndọ Christ.

Edidiana Kiet

“Edieke idianade kiet iyeseñọ ida, edieke isuanade iyeduñọ”, ikọ emi itoho Ñwed Abasi edi, edi ofuri akpanikọ. Etiñ mbuk ebaña ete emi ekenyenede uwak nditọ. Usen kiet enye ama atañ ibat-ibat eto ọbọp ọtọ kiet, ada ọsok nditọ esie onyuñ ọdọhọ yak owo mmọ kiet-kiet obuñ ebek eto oro. Baba owo kiet ke otu mmọ ikekemeke ndibuñ enye. Ete oro ama atat ebek oro asuan, onyuñ emen eto kiet obuñ ndiwut ete ke odudu odu ke edidiana kiet.

Enọ nnyin item ndisin ifik nda emem mbom idem ndian ọtọ kiet ke Spirit (Ñwed Mbon Ephesus 4:3).

Jesus ama ọdọhọ ete ke inua otop hell idikanke ufok Abasi Imọ. Nso idi ntak? Enye edi ufok Abasi emi adianade kiet. Mbon Ufok Abasi emi ekeme ndiduñ ke Africa, America, Japan, West Indies,

ebiet ekededi ke ererimbot; enye edi Ufok Abasi kiet, Ufok Abasi mbon-ekon mi ke ison. Usen kiet enye eyedi ufok Abasi mme Andikan, oro edi Nwan-ndok Christ.

Idem Kiet

Eda Ufok Abasi edomo nte idem Christ. Jesus edi ibuot. Kpukpru edi ndido kiet ye eken. Ntuaha iduhe ke idem owo. Ofuri ndido enam utom mmok nte ofonde otok kiet enyuh eyire kiet ye eken. Kpukpru enyene ata nsuk-ibuot ye nsuk-idem enok ibuot. Ke ufok Abasi, owo kiet-kiet ekpenyene ndinam utom ke abana ndon-esit ye ufok ofuri owo, nnyuh nkonono Christ emi edide Ibuot. Paul ke kpukpru nno-item ye ikok nsokok-idem odomo ndiwut usuh emi adade owo osim Ufok Abasi emi ofonde ama.

Okon kiet odu kpa Jesus Christ; mbuotidem kiet odu okok ofuri ererimbot, ndien mbuotidem oro edi mme ukpew-nkpo emi edude ke Ikok Abasi nte Jesus Christ ye mme Mbet enimde; uduok-mmok kiet odu emi Jesus okonimde ke ini Enye odude mi ke ison; Abasi kiet odu, kpa Ete kpukpru nnyin, me idide Jew me mme Idut (Gentile) emi edide idim-mmok okok kpukpru owo, onyuh edide andikpon nkan kpukpru.

Edidok Ke Enyoh Ye Edisuhore Ndi Christ

“Ke adanemi Enye okokde ke enyoh Enye ada mbuot-ekon onyoh, Ndien okok owo enok (Ikok emi, ete, Enye okok, okok didie? okok ete, Enye ama onyuh osuhore edi mi ke ata idak ison? Enye emi okosuhorede edi Enye emi okokde, okon akan kpukpru mme Heaven, man Enye okok ke kpukpru nkpo)”. Kpa Jesus emi akakande mkpa, hell ye udi ke usenbok eriset oro, ama okok ke Enyoh ada mbuot-ekon onyoh. Ke Psalm 68:18, nnyin imokut Andiwet Psalm nte etinde ukem-ukem nte nkpo eke enye okokde erikan ke ekon nte adade itie. Nko ke Judges 5:12 nnyin ikot ntem: “O Deborah, demere, demere! Demere, demere, tih ikwo! O Barak, daha ke enyoh, eyen Abinoam, tah mbuot-ekon fo.”

Ke ini eset, etubom ekon emi akande ke ekon, ekesi yiri mbuot-ekon esie ke edem ukpat-nkpo oduri ebe ke ufok efak Obio; ndien nte mme otu owo ekwakde ubok enyuh edarade enye, enye ekesisuan mme enok oto mbume emi enye akadade oto ekon ke otu mmok. Jesus okosuhore edi ke ererimbot nte Abasi ke mbiet owo, onyuh okok esuene ye nsahi owo, ewot Enye ke kros enyuh esin ke udi, edi oro ikedighe utit kpukpru nkpo. Enye ama eset okok okon akan kpukpru mme Heaven, man Enye anam kpukpru nkpo okok.

Ama Okok Mme Owo Enok

“Ndien enye okon ndusuk owo nte mme Apostle; onyuh okok ndusuk owo nte mme asiak-uduak Abasi, onyuh okok ndusuk owo nte mme okwokok gospel, onyuh okok ndusuk owo nte mme andikpeme ye mme anditeme”. Jesus ese idaha ukeme emi mmok emi edide ndido idem Christ enyene ndien okok mmok enok nte ukeme mmok edide. Enam kpukpru man oto do enam ndisana ikok Abasi efok ema.

Ukem nte nnyin iyomde mme ufok-nwed ndikpew nditok nnyin mme nkpo uwem emi, nte nko ke ufok Abasi oyom mme okok-erok, mme okwokok eti-mbuk ye mme anditeme ndikpew mme anditene-Christ usuh edinen-ido nnyuh nnam mmok esok ke ata edisana mbuotidem. Mmok emi etiede nte nditowok ediwak ini esiyo oto ke ndinim nkpo kiet me eken ke akpanikok mbemiso mmok edisok eda ke akpanikok. Ke ini mmok ema ekekponi ewokok owo, iren ye iban ke mbuotidem, mmok ekeme ndien ndibahare akpanikok nsio ke se idide abiana.

Kpukpru mme andikpew ye mme okok-item emi ke Eti-mbuk edi se enok nnyin man enwam nnyin ndikori nwokok okok owo, iren ye iban ke Christ Jesus, man idi kiet ke ufok Abasi emi ofonde ama.

MME MBUME

- 1 Siak ndusuk nkpo emi Paul ekebeñede ke akam emi enye okobonde abana ndito Ephesus.
- 2 Ima Abasi ye owo okpon adana didie?
- 3 Anditiene-Christ okpotim asana didie?
- 4 Siak ndusuk eno emi Jesus okonode mme owo.
- 5 Nte kpukpru owo ekeme ndida Abasi nte Ete mmọ?
- 6 Nso ida edidiana-kiet idi ke Ufok Abasi?
- 7 Tin nte Paul akadade Ufok Abasi odomo ye ikpohidem.
- 8 Anie edi Ibuot?